

D МАМАНДЫҚ ТАҢДАУ

Еліміздің өсіп-өркендеуі алдымен мемлекетімізде жүргізіліп отырған экономикалық саясатқа байланысты. Тәуелсіздік алғаннан бері көптеген экономикалық дағдарыстарға, қиыншылықтарға төтеп беріп, тиімді жүзеге асырылған реформалардың нәтижесінде экономикамыз дамып келеді.

ЗАМАНАУИ ТАЛАП – БӘСЕКЕГЕ ҚАБІЛЕТТІ БІЛІМ

Қазақстан Республикасының Тұңғыш Президенті Н.Ә.Назарбаевтың салиқалы да сарабал саясатының аясындағы «Алдымен экономика, содан соң саясат» қағидасына негізделген стратегиялар мен бағдарламалар халқымыздың әл-ауқатының жақсаруына септігін тигізуде.

Қандай қоғам болса да бірінші кезекте азаматтардың материалдық құндылықтарына аса көңіл бөлетіні анық. Елбасы Н.Ә.Назарбаевтың және Мемлекет басшысы

Қ.Тоқаевтың алға қойған мақсаты әлемнің дамыған 30 елінің қатарына ену болса, ол үшін біз заманауи талаптар мен сыни қатерлерге төтеп бере алатын экономика ғылымын толық меңгерген мамандарды даярлап шығуымыз қажет. «Ұстазы мықтының – ұстанымы мықты» дегендей, еліміз бойынша ұлттық рейтингте 3-орынды иеленіп отырған М.Әуезов атындағы ОҚУ қаншама түлектердің кәсіби маман атануына өз ықпалын тигізді. Сонымен қатар, QS халықаралық рейтингі бойынша университетіміз әлемдегі

үздік 500 ЖОО қатарына еніп отыр. Бұл М.Әуезов атындағы ОҚУ-де әлемдік деңгейде сапалы білім берілуін кепілдендіреді.

Бүгінгі таңда университет студенттеріне академиялық ұлтаралық бағдарламасымен Еуропа елдерінің серіктес беделді ЖОО-да 6-айдан 1 жылға дейін білім алуына толық жағдай жасалған. Соның ішінде аталмыш оқу орнының «Басқару және бизнес» жоғары мектебі өте жақсы көр-

сеткіштермен ерекшеленеді. Бұл мектепте қазіргі таңда «Экономика», «Менеджмент», «Маркетинг», «Қаржы», «Есеп және аудит», «Мемлекеттік және жергілікті басқару», «Туризм», «Мейрамхана ісі және қонақүй бизнесі» мамандықтары даярланады. Жоғары мектепте 108 оқытушы-профессор құрамы жұмыс істейді. Оның ішінде 10 экономика ғылымының докторы, 49 экономика ғылымының кандидаты және 49 магистр білім беруде.

Білім ордасынан шыққан шәкірттеріміз бүгінгі таңда ел экономикасының түрлі салаларында жемісті еңбек етуде. Сондықтан, рухани тәрбие мен сапалы білімді іздесеңіз, біздің оқу орнымыз әрқашан Сіздерді қабылдауға дайын. Лайықты өмір сүру – кәсіби маман қолында!

**Оспан БАҒДАТБЕК,
М.Әуезов атындағы
ОҚУ «Экономикалық
теория» кафедрасының
магистры**